

硯
谿
先
生
集

東中集

東吳 研谿 惠周暢

棹歌四首

南浦山光十里清
橫塘一路蹋歌聲
獨憐湖上如花女
愁水愁風過一生

誰喚錢塘一月遊
全家三日不梳頭
清谿幾曲明如鏡
回影頻頻照碧流

秋光瑟瑟半江紅
花事闌珊到水萍
昨日芙蓉今日老
一年生怕鯉魚風

兩岸蟬聲送晚涼
風開簾箔夜聞香
蘆花秋水三更月
偷拜臨江白石郎

題船牕

何處風光寂可憐
白蘋紅蓼秋江邊
烟波漠漠鳥飛盡
月在柁樓人未眠

同婁東王異公曾耳黃曹九咸無錫施對颺同里吳
虞升西湖泛舟

漁竿重問舊苔磯
烏榜閒眠看翠微
涼入酒尊人半醉
烟銷湖寺鶴初飛
長堤拍水纔餘尺
新柳生陰未及圍
堤上初種

柳每到昔年游涉處
眷令靛斷泪沾衣
昔同敬我止弟游此今二十餘年撫

時懷舊不禁掩泣

過窰輿嶺次周孝威韻

海畔巡行逐隊時
薄雲如絮雨如絲
遙知沽酒前村近
且

喜看山後騎遲選，勝欲尋真際。寺問禪誰禮，詎那師他年。
不負登臨約，再倩周顥一賦詩。時欲游雁宕不果

斤竹嶺

爲道盤空一綫懸，杖藜徐步出層巔。雲埋半嶺疑無地，石
罅孤峯欲蔽天。廢寺草長時見鹿，深林徑絕但聞泉。野人
好事真癡絕，別藪題詩記歲年。

游鴈宕不果次異公韻

宵來夢入能仁寺，天外奇峯面面迎。趺坐老僧堪問法，淡
妝玉女窳多情。老僧玉女皆山名久判白帽衝朝雨，更辦青鞵趁
晚晴。惆悵斯游今不遂，半林涼月對孤城。

次韻王異公見示永嘉署中追憶游涉之作

時在台州

婁江稱能詩先數君伯仲一家自得明觴詠迭相送君詩
工且多價奪璫璣重搜竒爬梳徧快意旌節擁平生山水
癖天姥屢入夢竭來隨便車杖屨欣得共甌江夜月明華
蓋白雲瀟泉紳濺齋滌石筍揭巖從拘官苦繫維幽討鞿
已縱穿汀蹇芳蘭擷翠入榛翁常聞太古僊符籙祕巖洞
先登率同游爭往覈若闕到來襟坐卧吟嘯間朝弄剡苔
覓殘碑剝落不成誦恨無原父博精鑿破疑恫常因謝公
履側想丈人寵沿流更壯去自温州至樂清皆水道窈窕涉深澗海
風吹人衣四月尚愁凍山行更崎嶇草木凝陰蒼白若嶺
高揮天石圻懸一縫連山萬馬犇轡脫誰敢控還望大龍
湫飛步疑可從浮雲屯長林日色隱空峒嵐光半陰晴上

下相磨龔微風獵松栢恍聽天鷄擘仙人渺何許芝朮彌
山種余生久恂愁對此曠發矇含毫欲一言竒景不為用
多君蓄藻思觸事攄昔壅垠岨劃巨刃不啻怪石供新詩
探懷出開溜納泉湧何當百回讀激懦得飛動

台州官舍望巾子山次異公韻

山色近可攬蒼然入戶中好風從樹借幽夢與雲通石塔
差差白禪燈點點紅銜杯坐相對無異對溪東

余屈在對溪東右有

雙塔左有文屋閣故云

昔日登臨地詩人去不回竹房今在否明月夜還來翠色
連衣桁晴光落酒杯幾時隨杖履吟弔一裴回

台州襟詩

曉行初過雨，橙色似新秋。
翻樹黃鸝語，爭槁亂水流。
海天雲作地，山店石藏樓。
安穩籃輿上，吟詩抵卧游。

巉絕黃巖路，千山抱一城。
海防仍置帥，額戍更添兵。
昔歲寇曾入，幾年田不耕。
安危在長吏，可與事寬征。

勝地今何有，登臨一惘然。
白雲封委羽，青草沒樊川。
學術

嗟流輩，棲遲想昔賢。
瓣香如可炷，吾欲訪遺編。
朱子在黃岩講學於

小樊川一時從游若二杜
三林五趙皆名儒有著述

石巖林泉僻，仙巖洞壑幽。
來瞻文信國，一弔鄭台州。
臨海心何苦，投荒老自愁。
斯人風義在，裡祀有春秋。

龍顧蟠城北，鰲山控海門。
自從添戰壘，幾許未招魂。
烽火今初息，瘡痍正望恩。
但能勤拊字，天險不須論。

複嶺藏深谷居人十數家柴門帖樹縛蔬徑趁溪斜紅白

新栽稻金銀異色瓜牛羊隨雁鷺點點出平沙

紅婢白婢
早稱名金

瓜銀瓜
亦台種

百物資山海謀生辛不難鳴金魚入市櫟釜筍登盤野葛
差堪暑官壺可耐酸端居闕百慮曾念舊凋殘

出郭誰堪賞人傳浣月邊片帆青雀舫一帶白鷗天遠樹

圍新蓋圓荷漾小錢可堪乘興去尊酒醉蠻絲

沈月東湖
亭名

台星分婺宿風俗記蠻方團扇圖新婦仙祠拜七郎酒鑪

容客醉茅屋解凝粧擬乞胡麻飯漁樵老是鄉

府東有石
新婦山宋

文帝嘗遣畫工摹寫之州人圖於團扇晉時周七郎
娶臨海林氏女行賈海上後與女化龍去州人祠之

我愛赤城好名山都未尋來朝更西去還望空遙岑連雨

負良月亂雲愁客心重游卜何日回首一長吟

弔余學夔次九咸韻

欲訪孤忠後艱難未敢言漆身游海上文葆匿荒村風義
渾如昨遺編竟不存阿誰搽史筆此事好追論

遠山

遠山如佳人煙雨弄姿態晨起未成妝玲瓏隱簾內遲遲
衽褕褱冉冉露腰背微雲脩眉浮新綠點蛾黛孤石儼竚
撐松風韻鳴珮須臾展屏幃婀娜立天外清光溢眸子炯
若左右睽東風巧相妬即雲與之會驚斯渺焉逝欲見不
可再萬事轉眼中過隙等電快并沈理倚伏真假事茫昧
持此問浮丘迢然不吾對

出天台西郊

出郭纔數步已知風物清香然流水上時有白雲生覓徑
長松導尋谿怪石迎杖藜吾欲憇一坐聽啼鶯

赤城山

丹砂萬顆紅霞色玉笈雲囊盛不得阿誰偷出向人間散
作彌山半天赤翠閣重樓勢鬱盤千秋署作仙人宅使君
攜我來一游暫脫朝衫岸鳥憤杖藜窈窕出深林綫路窮
追狐兔跡山前古洞形竒槩石根崖拔千尺半空鈿豁
周十尋上下團團似巾幕洞門瀑水瀉自天雨日聞雷晴
滴瀝惜哉衲子不曉事嵌置禪宮玷青壁葺衣步上上赤
城土人名山頂脩竹踈林喜幽僻袈裟白足出迎賓指點

為上赤城

頂

名蹤能歷歷白雲一抹是橫山錦障初開布几席國清隱
見樹杪中此去天台纔一驛竒峰寺後磨蒼穹石上留書
古僊伯雨淋日炙終不利時有梯空摹點畫吾聞善幻本
浮圖無乃游人遺醉墨從來真偽那可言一笑置之同戲
劇攜筇更指東南峰一路泉聲送行客

從赤城至國清寺

千山萬山渺何處塔影層層國清路斜陽林外送微風布
鞞蕭然躡雲去寺外澄潭一鏡圓連漪倒浸青青山長松
蜿蜒落潭底白日疑有蛟龍眠泉聲曲折引我入菩提一
樹高摩天龐眉老僧可人意為我掃石開禪闕匏樽酌茗
薦瓜果野味足洗官庖羶坐來庭徑轉岑寂修竹杳窳聞

清猿吐牕跛脚許高卧冰簟蔭借青琅玕始知物外即幽
曠化城何必離人間念昔平生俱道長行駮劫劫無停鞭
三年席帽客京國口識甘苦難為言今歲崎嶇浙東道水
浮陸走行三千自錢塘太末永嘉至台州將出紹興計三千里矣人生如此竟何
為空使慄滅凋朱顏誓從今日扶麈網卜宅願傍天台巔
桃花流水跣足渡鬼峩半醉來叅禪

天台道中遇雨宿中渡次韻

天台道上蕪旬雨桐柏山邊又晚風失路幾迷深谷內
斷橋呼渡急流中荒樓不寐愁尊淥清夜相看賴燭紅
莫訝艱難非慣習此心摧折久如蓬是日雨甚襟被不得過中渡與諸君清坐竟夕

天姥嶺

扶筇下前岡脉脉衣上雨小立就深林始聞杜鵑語殘花
裊危石蒼蘚逗岩乳欲問悄無人不知是天姥

下嶺至斑竹山小憩

衆山攢孤峯細路坵高嶺其陽平如坡其陰深若井行人
一線渡曲折下脩綆雲屏森開張步步得竒境松挈老龍
怒石敵伏虜猛鬪山規為田甃壁疊成町形如塔城色
若裂雲錦方圓巧相配上下非一等維時陰雨餘瀑水助
淒冷琤琮瀉幽壑醉夢聞可醒循沅涉坡陀峩峩紛不整
天光時蔽虧失路疑隨窅行行到斑竹山勢方得逞豁然
撐清空雲樹占千頃前竒訝已過後趣忻復領斷崖梯危
梁水面劣容艇洄洄山根去翠篠相與永吾欲廬其旁窮

年挹清景銜杯得微醉借石就安枕茲謀未敢專行詣山
靈請

泛曹娥江

晴天倒瀉落蓬牕風碎羅紋漾碧幢兩岸青山雲斷續層
層紅葉醉秋江

再過天台

曾見千山躑躅開又看紅葉錦成堆玉沙瑤草人何處吾
已今年兩度來

題紹興署樓壁

青山百疊繞高樓入檻秋光翠欲流却憶往時那忍別可
憐今日更來游窺簾野鳥渾相識隱葉寒花似帶愁寂是

客中腸斷處
西橋東畔水西頭

喜至嘉興官廨呈同事諸子

錢唐一去三千里
看盡浙東無數山
今日來行長水上
此心猶在翠微間
蒲根作隊儵魚樂
菱葉孤飛白鷺閒
又是江南故鄉路
洞庭烟樹與誰攀

東中集

小門生王薛岐謹錄

紅豆集

東吳 研谿 惠周惕

次韻荅汪異三

落魄心情已倦游，醉行江畔躡歸舟。
沙邊鳥雀常爭食，水際蘆花欲占秋。
木榻殘書歌皂帽，釣竿微雨負羊裘。
故人幸有汪倫在，好好裁詩寄白鷗。

東張曰容

紅橋綠樹接澄潭，巷北君居我巷南。
月上踈簾邀共坐，花明秋寺喚同探。
杯分竹葉三升酒，拌餉園蔬一味甘。
但使心期常不負，紛紛蠻觸恣休談。

四品蔬

寄平湖
郭舉旭

往我家龍潭荷鋤自行菜霜前秋雨餘風葉漸有態採擷
付庖厨蒸湘出佳味以此飫空腸不思春鳩膾比來移城
南囂塵迫湫隘園蔬植無處晨夕仰市僧菜把索價高囊
空向誰丐脚冬竟無資罌瓶卧墻背今將賴故人遠道走
一介纍纍菜盈筐一一名可愛先社芽薑肥經秋小瓜脆
藉糟蒸筍蒲分汁漬菘芥登盤出匕箸香稻庶可配匙抄
試新春捫腹一稱快

過田家

落日去踈樹白雲橫前村繫舟清溪渡叩此溪上門塲圃
帶林薄桑陰聚雞豚殷勤主人意贈我漁樵言

典衣

空厨櫟釜告米盡日色卓午炊無烟雞雖啾啾繞足至瘦
犬帖帖緣堦眠厨人勃谿奴弄口語褻譏謗波瀾主人
聽此顏色惡那得煮石供盥澆搜括篋筭問質庫山妻梳
裹無釵鈿惟餘破襖始補綻燈火昨夜裝湖綿此外細瑣
亦可計布衾紙帳兼寒氈繩床稠束作一處欣然驅使長
鬚肩東鄰質庫倉困富持籌握算憑少年狐裘茸茸坐錦
褥推論子母操其權開緘取視忽大笑如此衣襦那直錢

門人碩履成餽蟹却寄

柔熟蟬欲肥西風價初長可憐東坡詩止換共團兩我今
一何多索索鳴嬰益非生宵遺我異味那得饗昨夜菊有
華茆齋發秋爽今晨足拌餐釘飯撤蝦螯期生看花來擘

蟬共清賞

夜坐有懷

青天如澄江片月初洗出草光露離離樹影風瑟瑟寒更
夜點踈驚羽孤飛疾惆悵不成眠懷人坐終夕

友人招游山塘同徐大臨張日容諸子作歌紀之

幽草香可佩秋雲翠堪剪菱湖水暖青鏡開蜀錦越羅千
幅展友人旨酒雙玉瓶攜上蒲帆風羨滿問菊尋花出半
塘水畦山徑門門欵赤欄橋畔寂清幽坐石題詩依碧蘚
須臾艇子來如雲燕尾梢長楸頭短玉女盈盈巧作粧水
晶風細簾初卷何家年少太猖狂醉泥天妍麾玉盃雅吟
俗飲雖不同幸值時清各游衍燈火星星漏板催回舟幾

照見驚亂持盃笑語同游人明日衣裘待君典

綠牡丹次韻

滕事張園近有無翻因艷絕轉成孤湘簾人靜羨如玉翠
袖月寒春採珠纔過綺牕看影隨乍開羅幔覺香殊憑誰

小楷箋花品雙桂樓前別作圖

張家園在洛陽牡丹家盛
慶雙桂樓錢思公事俱見

歐陽
公集

日暖泥融正好春一杯藍尾萸花神柳絲何物能令艷草
色無端也鬪新天際碧雲疎欲斷帳中青鏡曉含顰垂垂
十二闌干曲愁絕東風細雨辰

再次前韻

淑景亭前得見無苔痕雲影映鼓孤能書小史凭青案拾

羽佳人在蕊珠疑有色香來碧落試拈花
綦問文殊誰教生長閨堦砌輸與蘭苔翡翠圍

一番風信一番春似到蘅皋見洛神步障半開
蘭燭艷舞衫初吐石花新常教么鳳來銜佩不是青
琴敢效顰聞道上林三月好肯移根塢趁佳辰

五月三日顧漢漁迂客使君兄弟招同諸子觀競渡
即事十首

紅藕初生五月天綠陰深處簇歌筵吳儂未肯無情思也
捉蒲葵上畫船

數遍紅闌四百橋綺羅香裡一停橈隔花臨水人何限笑
語紛紛隨翠翹

龍舟幾隊鴨城東
小海吳歌調
宸工鵲腳蠻旗風
蘸水尊
前令與石榴紅

多少撈攏水健兒
船棚百戲試
擐旗翻身更作
鯢鷁躍射
鴨何曾用竹枝

官柳成行翠作屯
駸盤令隊打金尊
蘭篙絲絃初移處
時有游魚啜酒痕

青篾魚鱗帖碧紗
層層寶祿襯紅霞
生來也解防人眼
誰障疎簾一樹花

內庫琵琶大小雷
新般入破板頻催
綠么不是人間曲
曾向崇仁記得來

一座名賢盡竹林
脩然水雪照清襟
水涼倚棹閒搜句
少

住笙歌聽雅吟

輕雲帶雨觸簾釘
二八城門夜欲扃
風亂檣烏爭道入
船銀燭照娉婷

絕似岑參好兄弟
漢陂攜客賦新詩
他年翰墨成佳話
記取城隅曲讌時

為朱文盜題畫

菱棹輕移白鷺邊
芙蓉花外水如天
夜涼寂寂半湖月
鐵笛一痕風滿船

長笛自吹還自詠
刺船波面月生時
知君已厭東華客
賸有閒情作釣師

蓼花灘上月明多
獨刺扁舟著短蓑
我亦江南老烟叟
試

敲銅斗為君歌

題蔣文從泛雪圖詩卷

夏熱不可耐吟君泛雪篇恍如清谿渡更值涼風天尊酒
會嘉客孤琴橫短船指看圖畫裏疑誤有神仙

贈鮑秀才孝一

吾數平生交前後凡幾輩賤或及屠沽貴或到冠蓋長我
或十年吾長或以倍或知由文章或契托風槩或以壘閉
親或以緩急賴敢謂百頃江所納已多派坦率固易投愚
憲亦遭賣以此頗自傷耿耿孤懷在晚來得鮑君欣喜出
望外君於百事踈詩酒入骨愛君於衆人倨獨下東野拜
媿我非君朋謂君無後悔君心乃益勤熾炭入鑪鑪我無

英瓊瑤為君作鳴佩我無雙飲觥為君酌沆瀣惟此一寸
心期君以千載

石鼓歌

河鼓隨地化為石面面猶帶星辰文神工鐫刻鬼守護席
累駮載來成均竒字連螭過程趙高詞典雅嬈皇墳神龍
騰天沸海水么鳳翥翺挈青雲跂跂若動蜃蜃曲纍纍如
貫珠璣勻糝糊可辨二十四脫落餘句難云云岫巖形模
多假托嶧山野火曾遭赫穆王馬磴乃長說之罘片木從
麻溫紛紛篆刻竟何有惟爾石鼓今仍存韓蘇唐宋大手
筆吟詠相繼垂千春崇牙簇掬間東序寶愛何啻終南敦
二千餘載不剝蝕著手猶識摩娑痕諸生填咽看未曉口

呿舌擣喑無言當今儒術已枋用正始石刻方討論吾生
好古困貧賤側身悵望春明門

為馬蕃侯題畫

抱琴就孤石兀坐如忘機問君何不彈無乃知音稀我欲
攜尊酒來叩松間扉為鼓一再行同君弄清暉

荅金陵朱秀才

金陵後來秀吾識劉與方二子獲時譽制義稱擅場我隨
使者節衡文搯丹黃同時被賞音見我滌之陽劉生性恭
謹挾冊每負牆辟如機中絲未染質已良方生殊不爾意
行無老蒼叩之何所有今古多茫茫自悔相士誤未敢言
文章王子金陵來貽我札一囊中有朱生詩字挾蛟龍翔

詩中辱推重慙愧非余當或是古大家本末差能詳細自
剛定來六籍何堂堂百家雖岐出舍此為披猖理醞言則
文法老氣亦昌讀書得要領何論宋與唐年來用心處今
更為子望顛子崇經術循派溯天潢無徒浪自喜但學方
生狂寄語江浦劉試與相評量

吳超士索其叔父省齋壽詩走筆戲賦

東家浮浮魚羔羊西家灑灑酌春酒玉簫金管沸一堂再
拜堦前上為壽曰翁神明老不衰曰媪康疆得無咎諸郎
富貴今鼎來與爾宜家諸嬪君家阿咸欲壽君乞我一
言侑大斗吾雖善頌豈有如此直至耆與耆

贈維揚顧書宣

維揚碩子文章雄渡江問我清谿東

書室云渡江東首問研溪先生

入門

一見便驚絕袖底詩卷光態態造次手攬讀未徧齒牙隄
覺生清風君言學詩二十載前後正變差能窮人生眉眼
不自見願以妍醜煩青銅余時怵惕未敢荷君才何健詞
何恭吾身貧賤困荆棘竊弄筆墨吟三冬一言落紙與俗
忤口排吻擊轟兒童邇來讀書但自省得失豈暇爭雞虫
聞君議論復感發如瞽得相行有筇君才超捷實倍我何
以屬我相磨礪乃知賢者不自伐虛襟苦抑由中充從今
尊酒托末契女蘿裊裊緣長松得聞君善我必勸若遇我
過須君攻昌黎韓子昔有語終始相合如駟蚤君今別去
正秋莫得句幸寄南飛鴻

東陸次公別駕即以爲壽

昔歲平原游逢君宰劇縣挽鞭掣門鈴懷刺請一見君時
倒屣出叱吏簇華饌我馬與青芻我奴與白飯夜深歸空
館生事百須辦東坡云生事百
須六不難致歎君臨事速知君吏才健

願我久客情念此常繼繼冉冉五年來音書阻河漢昨朝
聞叩門貽我一束綃言君初歸田稱壽杯雙薦須此頌禱
詞攜尊往相勸君才廊廟姿不合老巖畔君年雖六十氣
力正精悍捺刀纔小試酌酒未及灌况聞上計時課最躋
高還方今急循良如暑索團扇胡為乞身去林壑事游衍
乃知賢達人出處能自斷緬思華堂中履舄交親串傾壺
清酒百堆紫賀錢萬媯歌毅婉轉椽燭光璀璨吾思衝選

來引滿一笑粲

書宣索壽母詩率筆荅之

我母今年望八十冒絮蒙頭案無食襤褸老眼半昏明猶
趁殘燈夜深織君家有母纔六旬作詩上壽招詩人烹羔
酌醴親踞薦滿堂賀客來如雲兩家門第不相下二母哺
育俱辛勤集枯集菀乃若是徒以生子賢愚分君今索我
壽母作心慙面赤何能云聊以艱語侑雙筭助爾一笑斑
衣新

長句贈潛江朱悔人

吾識君自國子師

謂阮亭

紀元甲子初秋時是時科詔下

太學擷取蘭茝兮資苑著籍紛紛盈萬數吮毫滌硯夸文

詞分題授簡觀所對又以經義據其疑諸生袖手例不作
亭午散去無子遺獨我與君坐聯席重增辟壘揚旌麾君
才既健氣復勇頃刻伸紙千言隨我雖鈍鴛亦自強揩洗
燥吻磨囊錐堂曹侍立把官燭竊晚落筆頻驚僂廣文先
生讀且歎云此二美誰雄雌王楊位置偶顛倒我有愧色
君無訾殷勤執手語慷慨謂可接翼凌天池豈知時命乃
大謬彼此鍛翮東西馳浮雲聚散亦有數昨日訪我城南
陔荷君遠道肯念我未能吾館心懷悲願家兄弟十載舊
邀我酌汝相娛嬉殘冬雪巷阻披寫此心願頷恒如飢開
春數日漸妍暖梅蕊破臙粘高枝催君歸心渡江水五兩
百尺風萋萋臨岐苦語別淚滴再至約我中秋期翹材有

館倘許入與爾共載趨皇畿聞君此語三歎息茫茫天地
行何之

更衣

錦帳重重燭影微夜寒人靜試更衣熏籠睡鴨香初熟簾
外陽烏且莫飛

藥闌香徑日曛曛桃蒸桃根占一菴妬殺寒梅方破蕊肯
令先與試春風

送友人入都

對酒忽不樂聞君將遠行途窮還戀客年老更謀生一作途窮

寧有地年雨雪關山埃陰晴早晚程寂憐無一事辛苦向

燕京

魚尾集
六一
次前韵送潘雙南同朱悔人楚游

春江渺無際一棹送君行
幸值好風日更逢良友生
題詩吟楚樹把酒醉吳程
絕勝同張翰輕裝赴北京

寄楚中朱石戶先生

先生卜築潛江渚萬樹梅花東浦東
每為花開春一出角巾黃髮綠陰中

從來詩思在沅湘春水春洲杜若香
叢殺閒身泉石裡一編新柳讀書堂

即事恭紀

聞說鳴鞭下玉除焚香終日望
鸞輿此行特為蒼生出
休上相如諫獵書

久知竟類似高辛咫尺 天顏辨寔真曲巷歸來報藉藉
分明話與綠窓人

有詔

熊熊奎壁正中天有 詔先增弟子員三適分明脩故事
不知計吏果誰賢

探梅

驛騎探梅報已開 翠華西去駐蒼苔空山慣種花千樹
那得年年望 幸來

寄湯西崖

綠酒待明月碧雲期美人一從江南別三見梨花春有客
昨夜至誦君佳句新不知懷舊作曾否到松筠

別查夏仲

五載不相見見君猶布衣匆匆還作別草草不成歸柳色
侵江過梅花入路飛孤帆那忍發鄉月正依依

夏日過薛孝穆城西新居

入室便解帶愛君池上風水光搖石几樹影寫簾櫳盃碧
浮茶嫩牋香試墨融今宵應有月吟醉與誰同

題徐大臨故宮詞卷後

蜀錦袖長迴楚舞胡槽柱短咽湘絃不須更綴斜行字一

曲霓裳便惘然

大臨云詩成
後亡失大半

鼎湖龍馭已無歸蕙頓蒼苔冷翠微獨有金鳧留不住時

時還向日南飛

六宮遺跡久成塵，無復金蓮點繡茵。
每憶夜深花影句，可憐空妬詠詩人。

玉女牕扉曉霧籠，黃旛百尺下相風。
九成原是隋家舊，更有何人識故宮。

竹夫人

幸託青青節，從君入繡幃。
素肌涼易狎，玉骨瘦堪支。
好月常專夜，秋風又一時。
人情何鉅薄，棄置已如遺。

七夕

烏鵲殷勤幾探看，七香龍駕更監桓。
誰令秋水橫天路，滿眼風波欲渡難。

為吳超士題畫

棕鞋竹杖一閒身來往蘅皋水石濱
莫厭看雲常獨坐江湖今日已無人

江頭沙面足幽尋散髮支頤伴渚禽
不把寒絲一竿竹知君無有羨魚心

已今出門曾荷鍾可無佳興與銜杯
誰人肯蹋荒江路我欲扁舟問渡來

答吳孟舉舍人

不歸茅屋又經時筆格茶巾綴網絲
喜得今朝添雅具郵筒新到舍人詩

淡泊纖穠各體裁曾聞詩老論鹽梅
蟹螯滋味能多少那

得堪君細嚼來

來詩有一編細嚼惠郵詩之句竟日嚼
空盤子嚼句也吳人語助報曰來

畫卷流傳荷賞音，每當佳句倍沈吟。
一株紅豆婆婆態，幾費詩人慘淡心。

槿籬芳援不成家，空說圖書富五車。
但得遠山青一桁，連

漪百尺任君誇。

來詩有輸我連漪百尺弓之句，故以遠山戲之。蓋石門治所無山也。

會葬宋文恪公後有感，示毅求待詔念功庶常衣聞

上舍

素帷丹旆一時空，馬鬣松楸白露中。
曾省十年門下客，青衫破帽哭西風。

昔歲曾聞話息機，每思鄉土淚沾衣。

余昔年曾勸公歸，公凄然淚下，可憐。

一為蒼生出不得，纔時白首歸。

泪痕零落在松林，塚土真成一片心。
此日諸孤腸欲斷，門

人未敢進祥琴

公葬時
適再期

待詔風流餘翰墨

謂報

集賢供奉有文章丹山搃是無凡

翻泪滴霜前鴈一行

謂遊

書屋天香舊有名中庭封植見公情尋常草木猶堪愛肯

使秋風撼蕝荆

天香公
齋名

清景南樓惱夢思

公在
京師
構一小樓

十年除舍媿師資

念功
先後
慙余

游九齡風度依然
在忍見沙堤更築時

待詔
復遊
余
北上
故云

紅樹禁用御溝等字

青楓蕭瑟殿秋光
細雨淅淅著樹涼
金井苔邊尋舊院
紅欄水外問橫塘
寒靄覆葉蛩何處
踈影穿林鴈幾行
寄語西風莫吹盡
山齋畱與伴斜陽

巫峽朝雲舊楚宮
入牕新樹寂玲瓏
但令顏色三秋好
也抵花枝二月紅
蜀錦水晴當畫展
木棉風暖着霞烘
分明悞入芳叢裡
却笑隋家剪未工

誰遣丹楓與報秋
柳梢樓角迥添愁
深宮遙夜美人怨
千里清江楚客流
好過石闌供點筆
忍隨蘋葉送行舟
何緣會得殷勤意
野徑停車試一游

題畫

雲外莫釐青矗矗
杖藜獨往空山曲
何人一卷水雪文
攜向秋苔樹根讀

前題

再用紅字

層層楓樹路西東
點點斜暉杳靄中
照影尚能添日麗
忍

寒還欲為霜紅誰教夜露饒蘭晚不信清香占桂叢疊作
巴牋書別恨擬來簾外寄西風

白沙青竹練堂東屏掩桃花錦帳中曉鏡莫詳圓罄巧春
機空剪下裳紅芝繁高樹堪成蓋綺散踈堤自作叢應是
丹丘新得地不須留待海棠風

次韻南村襟興八首

聞道南村似習池雲山點點入新詩何如石塢山房好秋
卷派傳又一時

乙未年歲中在京師索諸名公咏石塢山房詩已成帙矣

依然三徑未全荒好事頻來不厭忙晨起抱琴聞客至午
眠停酒覺茶香

叢菊砌寒花自發西梁泥冷燕休爭分明一段升沈理莫

怪人呼作老兵

水晴沙暖鷓鴣飛出岫孤雲晚自歸一帶山光籬落畔黃
花初瘦藥苗肥

結廬人外不聞喧泯泯菱湖十畝寬鷗鷺有盟知不負荻
花風裡繞漁竿

橘香深處兩松扉小立桐陰試熟衣掃石野雲穿戶入捲
簾紅葉向牕飛

竹嶼花谿任意游杖藜徐步出林丘回思疋馬東華路滿
眼飛塵動客愁

汴北結隣曾有約此言能踐果何時人生去住誰堪卜慙

愧山靈祇賦詩

時余將
北行

分題賦頌况

司戶清名在上元當時文華最騰騫若論遊戲非風格今
古何人重雅言

小筆縱橫亦偶然心亭何足駐神仙青山滿眼無人識况
復蒼茫海外天

為有韋郎苦愛才清香畫戟與追陪東吳無限吟詩侶幾
見風流太守來

花落深宮幾斷腸坐臨流水一沾裳詩人託興成佳話桐
葉何曾到上陽

小門生王薛岐謹錄

紅豆集

嚙語集

東吳 研谿 惠周暢

余於辛未春舉進士夏五月選入翰林誦習國書至甲戌散館以國書不通曉外調回首三年恍如一夢三年中所作詩文皆夢中嚙語也故名之曰嚙語集

巡邊恭紀

聖主西巡日殊方效順年奉珎來萬國錫貢盡三邊旭日消兵氣薰風靖塞烟壺漿時望 幸舞蹈欲瞻 天睿鑒無遺照鴻鈞揔在甄鳳書傳 詔旨龍馭下幽燕句注千屯列飛狐萬騎連韜鈴尊 廟略尊俎握兵權翠羽晴雲護霓旌夜月懸鈎陳嚴宿衛 幄殿拱星躔負弩驅當戶

趨風拜左賢令 領中禁帛褊給水衡錢金奏聞天樂厨
官列 却進野花香入座細草軟承氈儼雅欣相屬盱眙
舞欲旋感恩心已醉黃謝禮無憇嵩祝懽報洽歌詞樂府
傳萬方今一統不用勒燕然

題蟾宮折桂圖

阿姊分明在絳紗星河騫騫影初斜羅幃一覺淒情夢滿
把清香兔子花

瀛洲亭秋夜讀書

閱官無俗情朝請復得假事業寄短檠委懷在風雅秋齋
閑良夜睽睽燭光施明發步薛逵槐花滿階下

端居知辰良散帙忘夜永况此玉堂中蕭閱有清景風歸

遲樹幽露咽蟲報冷平生事鉛槧官燭幸堪秉籀隸辨古
今縹籤分乙丙冥搜蛟龍蟄得意驂騑駟敢鄙章句非陳
柯發新穎吾聞食芹羨猷御心耿耿六經盡嘉謀入告詎
不省君門幸咫尺可為蒼生請

送同年張堦六歸闕中

來登高第作官人旋著萊衣去入秦莫道客囊無一物攜
將詩卷獻尊親

我亦唐昌會裡人石渠留滯未歸身廣寧門外送君別憶
著高堂白髮親

新城先生屬和城西別墅襟咏

先生嗣君
清遠原唱

石颿亭

孤亭帶林阜大石擁礮磊恍若風颿張泓泗挹爽塏坐想
清江濱芙蓉正堪采

樵唱軒

樵歌出深村先入幽人耳擁褐卧秋牕為之三坐起援琴
寫其韻贈與子期子

半偈閣

三乘劇萬言欲說無可說君看半偈中賸有廣長舌從此
悟無生紅爐藝微雪

大椿軒

霜根鬪虬龍風葉拄車蓋我聞莊周言生此八千載木槿
爾何榮娟娟亦為態

雙松書屋

籬逕無行跡，雙松拱而立。
清陰到書堂，疑有高人入。
一片歲寒心，同君結三益。

春草池

春水半池消，草色紛滿徑。
暉暉日初斜，圍圍魚欲闕。
幽鳥來不來，穿林得清聽。

小善卷洞

鬪翠開洞門，白雲濕如雨。
青苔倒孤花，石竇竄蒼鼠。
仙子期來遊，捫蘿久延佇。

小華子岡

傾壺登崇岡，掃石待琴客。
彷彿輞川遊，欣然忘日夕。
月明

聞叩門無乃是裴迪

三峯

海風能引山三神詎有所何時善幻人移此守遲戶夜半
兩冥冥挈雲恐其去

嘯臺

登高一舒嘯遂失萬古愁石齒嗽峽水冰絃張高秋冷然
發長引不作商韻謳

竹徑

一徑入修竹東西忘所歸蕭蕭急雨作拍拍鳴鳩飛落葉
紛若雲清香滿人衣

綠蘿書屋

茆齋覆古藤，蛻螿老蛟瘦。絡石垣添衣，緣松蘚堆皺。及秋
羣芳彫，來此看獨秀。

石丈

何人為石交，我知丈人厚。淡然冰雪懷，默默共昏晝。他日
穀城陰，相期慎無後。

賦得秋菊有佳色

三迳延秋色，幽蕞曲檻旁。亭亭常獨立，冶冶亦成行。籬鏤
金鈿小，枝抽翠葆長。移根辭野艷，含蕊試微霜。淡合稱高
士，清宜貯玉堂。琴書添嘯詠，風月佐壺觴。人莫啁孤秀，天
教殿衆芳。金英題作句，入袖有餘香。

為魏禹平題水村圖

昨夜夢尋湖上月朝來果見水村圖
漁絲一把竿三尺認得當時舊釣徒

一片漁沙著箇儂
籬門徑荻花中披圖許我拏舟去
消得春湖半日風

為談震方題畫

小立堦前待好風
陰陰芳樹月西東
闌干十二人何處
只在疎簾半捲中

玉煉橋望西山秋爽

苑水明於天
秋山送遙碧
蒼然石橋上空翠
撲巾幘香餘殘荷風涼引
新桐色蔚藍冒晴巒
淡沲映斜日林表生孤烟
雲邊數歸翮
淡焉謝塵囂身在藐姑射

為王用儀題畫

之子卓犖人所聞，聞來垂釣江之濱。
蒲根筴筴影初動，又擲漁竿看白雲。

賦得麥田積雪

葭灰吹玉律，瑞雪報豐年。
塵亂堆沙磧，穠穠匝縵田。
送蝗深入地，飛絮暗粘天。
平野迴春色，寒臯咽晚烟。
耕雲新種玉糝草，與披綿黑壤。
渾難別青苗，倍覺妍暫杻。
驚暮雀覓路誤，烏捷見覡花。
初妥因風氣，轉堅篆文鏤。
破塊砧練疊，遐阡坏戶無。
妨蟄支頭不礙眠，祥占盈尺候。
識在兩岐先帝力，誰能詠含毫。
媿惠連。

送顧迂客

留滯京華又一春
客囊金為結
支貧今朝跋馬將歸去
猶典駝裘醉故人

天涯兄弟有誰留
殘燭啼紅對汝愁
莫怪司勳重傷別酒
人從此不成遊

壽婁東王夫子

官資天上金閨彥
門第江東宰相家
五世文章餘翰墨
同時父子踐清華
常奉勅晨趨院
賜對傳宣晚出衙
知是聖朝求舊德
韋蕭禮遇自應加

追陪上相入文淵
地絕諸司近九天
魚鑰和風鈴索動
鳳

簪清影燭花偏
舊制玉堂視事清畫乘燭
官厨給賜紅封酒
故事賜酒

粟學士用紅票
書省裝來粉研箋
故事也
聞道玉堂留故事
醉吟閒

詠繼前編

前明有王堂賞
花賞雪詩集

有道朝廷壽域開先應佳氣垓三台刺紋添綫陽方長剪

縷迎春慶始來

公生辰在人日今年立春在初十日

舞袖幾重圍綺席清歌

一曲送深杯安昌雅度無拘束末座彭宣已不猜

為蔚縣張孝子彩鳳作

吾聞六經言滅性不為孝聖賢貴接引每事立中道許止
不嘗藥意實未忍料豈知後世人日下就浮漂所以史氏
書獨行垂典教偉哉張氏子至性有風操阿母抱沉痾割
肉默治療邦人互傳說草薄竟相效吾為作短篇用以風
末造

紀事

天臨華蓋肅行旌 聖主西巡過北平
款塞已看來萬國 受降何用築三城
朝迴鷹磧雲迎馬 夜渡龍沙雨洗兵
從此殊方俱一統 年年爭路貢瑤京

不才

不才當 聖世敢計授何官
從此辭清秩 頻年已素餐
且留青紱在 得奉板輿安
繼使棲卑邑 襟情也自寬

諸母壽讌詩

吾家著望秦閩中 以謚得姓稱華宗
自宋南遷乃今處 有官太尉來江東
數傳不顯後乃大 吾叔嗣起揚其風
後先接武有群從 叢譽直掩荀家龍
伊余小子真寡昧 獨抱遺經竄荒蒼
幸承家學得淵源 獵取微官已為泰
今年吾母

壽八旬老景清閒意堪慰及秋妯母壽亦齊賸事我家喜
能再想見江村曲巷中一握權輿沸兄妹人生壽考無賤
貧况復夫榮子仍貴年來吾弟作選人瀉母溥熱足甘脆
板輿迎養過都門我亦趨風下車拜

送同年張嘉錫

風捲黃塵撲面飛青門相送各沾衣未成薄宦何由黜獨
把空囊那便歸漫擬去留無一是退量身世已俱非還思
柳港漁村路可得安眠覓釣磯

也知歸省足團圓還念生涯倍覺難儉歲幾曾餘鼠竇故
人誰肯乞豬肝低眉好事當炊婦長跪休言已謫官但得
老親殊健在區區五斗萬鍾看

閔行過積水潭口占寄納蘭愷功

左官無事閔行好走馬來尋積水潭一頃平田數株柳此
身不覺到江南

兩穀昨夜過城隈鴈齒槁痕上綠苔一路水風香撲面潺
湲新出御溝來

沙頭斜日半荆扉點點幽禽接翅飛記得青溪垂釣罷水
荇花下短船歸

當時亭榭畱遺蹟蝦菜清幽絕可憐那得沙鷗分片席提
壺來醉一池蓮

怡雲水調歌報絕此地何人續賸游千載風流有公子依

照玉骨秀橫秋

玉骨秀橫秋
雲水詞也 怡

一時賓客盡名賢謂唐實君美
西泚查夏仲白袷微吟卧夕天
給札幾人能作賦也教詩句滿城傳

上相公

間氣生元輔清時翊 聖皇登膺均帶礪褒德著旂常地
絕中朝貴天擎一柱長魁星輝紫極列宿拱文昌密勿資
籌畫搯持振紀綱為霖添漱澗作楫濟河潢秉理心無忤
懷謙用自減寅恭貞百度翼亮協三光姓氏羣兒識毅名
外國揚卓夔真不忝妣宋豈能方窈窕金華省清嚴白玉
堂透簾紅燭艷入座紫薇香翡翠裝書匣珊瑚架筆床翻
階吟芍藥繞砌詠蒼篔政理時多暇心閒樂未央樓臺梓
澤里花月午橋庄開閣延奇士臨風命羽觴鄧林森梓漆

武庫貯琳琅剖石琅成玉磨鉛鈍出鉅公門皆有造小子
獨無良昔歲游文苑朝班綴末行石渠經術祕掌故圖書
蔽才合推平子窮寧厠仲翔遇風隨鷁退無羽效鷹颺茵
溷皆時命天淵判得喪幾年沾寸廩竟日仰空囊舊兩人
蕭瑟浮雲事渺茫拯饑寧望肉餉渴詎無糠莫落應逢晦
葵枯尚向陽試看龍劍氣夜夜斗牛傍

題江東冊子唐禮部實君

神奇只欲窮三篋芳潤元來在六經珍重唐庫新冊子詩
家始見舊儀型

誼諧奏賦終成戲涉獵為儒那得醞歎息老成彫謝後祇
應風雅屬斯人

正變源流各有師尋覓逐跡未為奇知君祖述香山法不
離香山半格詩

李杜文章已不同元和體格竟爭雄如何舉舉江南子團
扇圖來盡放翁

愷功新加侍中寄贈

相門才子宦能文長組豐貂列上勛蚤識通詩宜宿衛王
事何妨注易號將軍教騎王厄天閑給賜食瑯盤御席分減
藉藉金張皆貴胄獨傳經術侍明君

恭紀曲江風度賜額呈王師相

世系當年傳相業曲江風度寂稱優唐書有宰相世系即看御

筆題元老邨用詞臣頌壯侯趙克國事宸翰千年光玉笈寶章

一集重天球懸知今夜魁三象東壁遙連瑞氣浮

出廣寧門

游燕餘十載五出廣寧門此日一為別愁心那可論微官
無例置素業竟何存還作飄零客天涯信短轅

任立道中

里埃堆堆接遠城駝鈴靛裡逐人行馬過行店思投宿客
倦長途屢問程黍色滿坡微雨歇槐花一逐夕陽明晚來
悞入畦西路角角時聞野雉鳴

菜蕪道中

千層複嶺疊為關細路微茫犖确間薄霧籠天波蕩日暎
雲橫地水浮山馬行溪澗紗紋裂人過楓林石角班

馬上口占

瘦石踈林細路斷
橋流水平沙鷄犬
數聲雲外前行知
有人家

宿山庄題壁

秋原小雨初過晚
巷殘陽半晴寂
愛空庭草色可憐
茅屋書聲

村酒正復不惡雞
黍依然有情對此
慨焉三歎扶犁我
亦歸耕

過費縣與沛蒼弟分韻

澗水粼粼渡淺沙
絲旗雙引到官衙
圖書跌宕客寧妨
吏兄弟團圓即是
家竹葉初開拈錫
酒井花新汲試蒙
茶頻拖

燈火蟬聯語不覺桐陰月已斜

重九潘長公恬菴昆仲招同魏蒼石飲太白樓分韻
天圍睥睨擁南樓畫稅飛甍僥濟州千載尚餘高士蹟一
尊今續酒人游碧雲淡日黃花節紅樹西風白鴈秋容裏
放懷須酌酹莫教椽觸故鄉愁

同年張公緯索壽母詩賦贈

任城諸子多才良同年寂善潘與張兩家母氏躋上壽吾
來再拜升高堂蒼顏白髮近百歲視聽無缺神明強脫簪
劉薦留我住烹葵剪韭春黃梁瑤環瑜珥盡竒特紛紛出
拜轟諸郎酒行十巡猶未已連日醉倒眠匡床萍踪水梗
乏根蒂因風西去將遊梁張郎避席為我語留汝詩句供

稱觴我聞賢母有令子青史始得報名揚區區俗下頌禱
白鴉栖形似徒污墻承前裕後有吾子家庭自合來諸祥
試看貞松飽霜雪虬枝百尺參天長

贈魏蒼石太守

曾賜雙旌縮郡章旋拋手板狎耕桑囊餘聞嶠青山色卷
有西湖秋水香蒼石有西湖非湖中集皆張官後作花下留賓邀夜月籬邊
罷酒餞重陽卜鄰他日如相許匹馬還來問草堂

次韻荅魏蒼石時余將之大梁

昨日同登太白樓尊前款款說杭州魏曾為他鄉偏得親
朋樂岐路重為汗漫遊別夢短亭驚獨夜離懷孤枕詠殘
秋思君畫復依然在可念羈人此際愁

移寓留題

官途鎮日苦匆匆旅舍何曾有異同昨日掃除今日去無人知是郭林宗

題畫鷹

獨石黃花古戍樓角鷹睇目睇高秋紛紛燕雀渾無賴那得遲回不下鞞

題畫蘆花

昨夜微霜報薄寒落英堦下已班班蘆花曾否是秋色占得溪南水一灣

賀同年生子次呱字韻

風吹遶樹桐生子日暖丹山鳳有雛寤喜仙郎初下直啼

穀徹戶聽呱呱

藝語集

小門生王薛岐謹錄

謫居集

東吳 研谿 惠周惕

北闕

北闕夢猶在南山歸未期
敢言無舊業祇恐負明時
鴈斷行難續花寒開自遲
長歌閉門夜風月是心知

敝裘和查夏仲

一番淒風促暮砧漫傾殘筍付
縫紉絲絃斷續難容綫毛
理稀疎不受鍼猶有餘溫
滕衽褐還將獨夜抵重衾
歲寒惟爾堪相倚忍為豐
貂易素心

曾褴縷衣配縉紳十年披曳似
懸鷄已無焜耀趨朝望猶
戀蒙戎去國人久被塵縑因
得故重經灰澣尚能新他時

舊物留旒架應與青氈一例珍

上元前三日與夏重小飲分韻

遨頭風景入新年
陋巷車音尚杳然
賴有故人相慰藉
喜逢佳日與涿連
官貧豈易須羊酪
客好何妨坐馬韉
小酒屬君君且住
晚來恰是試燈天

十載交期託契深
一尊燕市更論心
休將出處分窮達
自有文章命古今
松老尚留凋後色
桐枯能作爨餘音
眼前得失何須計
只合清狂學醉吟

題尤玉田卷子

為愛尤郎詩句好
研朱篝火讀新編
每逢佳處三回讀
發我春來一夜眠

久無麗句續珠英不分菡萏爾許清逸在布衣人未識論

量還欲待鍾爍

漢書學詩之士逸在布衣

為慢亭先生題雙雞圖三首

永日苔徑幽清暉孰能領雙鷄何容與撲地拾花影
經歲不窺園春容詎如許無人共清言欲與鷄父語
風雨變晦明微禽守其素殷勤為三號錦帳何人寤

悼亡妾趙氏

綠窓人盡逝長算捲羅幃兩羨有時合孤魂何處歸

邵氏蘭英

先逝夜深風易響遲冷月無輝一寸啼紅燭分明照剪衣

再用衣字韵

昨夜聞鳴咽招魂歸未歸花殘心不死雲斷影何依香剝

初勻粉塵封舊上機曉來營一奠猶是嫁時衣

薩倬雲董滄洲昆仲同尤左文處士見過分韻得溫

期二字倬雲侍衛滄洲舍人大司空子也

謫官解組閒居日公子懷人命駕時入座朱傾三龕酒停

杯先詠十年詩二公子於座上羨君兄弟花連萼願我形

容鬢有絲意氣消磨才力退擬將何事蒼心期二公子工文善詩語

次輒見推余媿未能當也

街連椿樹着衡門寂歷還同野外村遲日半牕書帙散春

風一室咲言溫大瓢貯水評茶格小盞浮花記酒痕二公子

茶而不善飲好事追懽情未已期君重過與深論

贈別王慢亭先生蕙寄清遠公子新城先生從弟

吾師天際人夫子亦絕俗來從官舍屋日把一編讀懷古
有遠思於世了無欲蕭然擁布被日暮對脫粟昨與白雲
期言歸故山麋君家富才華羣從羨如玉阿遠更清舉耽
書託微祿每吟西墅篇秀色尚盈掬賤子迷宦途行將返
邁軸東游倘有時觴詠猶能續清遠有城西別墅詩余曾
和之後索子送行詩未及

題殷彥來歲寒吟卷

歲晏難為客聞君行卷新那堪遲暮句贈我未歸人北闕
已無籍高堂猶有親蹉跎成庶事空負五年春余宦游五
年矣

花朝泥飲唐儀部寶君寓仝姜西溟趙文饒查夏仲
湯西崖查升山宮友庶分韻兼寄納蘭愷功得圓床

二字

仲月好風日融怡社後天人脩故事佳會酌群賢得句
羨無度劇談清可憐明朝還賀我喜入酒花圓

酒面浮花應是喜樂

天句也括韵時實
君有戲語故云

早晚莫須問主賓吾已忘有情還遲月乘醉且移床官暇
行厨潔風清飲具香

主人三日治
具飲具皆新

阿誰能作畫圖與侍中

郎

夜歸有懷

罷酒夜初雪白雲絲滿遮一燈殘未落獨坐醉還醒寒食
明朝是寤愁幾歲經更聽風折竹淅淅近窓櫺

得家書寄內作

貧家何事不料量
蚌殼燈前著蟹筐
一段女儀吾愧汝
雞鳴獨自候高堂

每看山下白雲飛
辛苦思歸未得歸
雞肋一官何味在
而今真悔負牛衣

次唐禮部寶君韻答宮友庶

羸駘那可躡飛輪
敢怨年來斥逐頻
已分挪揄從路鬼
何堪屈曲事錢神
草檄但徙新花市
雪巷難尋舊雨人
多謝郎君不相棄
肯將詩酒結比鄰

知我無交久
索居艱勤遣信到
堦除兩章真
拉連城壁百絹難酬
一紙書
絲雨沾人泥
滑滑新烟着地柳
疎疎何時得赴春郊
約去問苑瓜
舊里閭

苑瓜亭在右安門外元蔡謀趙禹卿居此土人以詩

為葉寂
稱膝地

再用衣字韻

春時初嫁秋來病九月東游我未歸獨擁寒衾
鏹線辛
勤還為寄冬衣

年來無夢到彤扉卧聽三商玉漏稀記得去春風雪夜添
香喚我著朝衣

送別石門勞先生乞養歸里

廿載東西仕宦頻七年遷擢又收身誰知此日懸車老還
是當時叱馭人

公官黔陽時值吳過之亂親
故勸公母行公慷慨登車不預

事到艱難先

報國世逢閑暇合娛親一生出處惟心斷官簿無勞引例

陳

久無人識老萊衣容易承明話
息機官遇達時誰不戀親
猶健在獨思歸采蘭幽渚堪盈把
膾鯉春盤正及肥豚事
家門無限好何須朱紫借光輝

日過冰霜影漸遲還家正及暮
春時東山命酒尋乘者南
浦懷人寄柳斯常有飛花來入座
且留明月與題詩金門
多少鴛鴦侶爾許風流知未知

明公身貴猶思隱小子何心戀
一官恥為賤貪求食苦轉
緣遷謫拂衣難愁增白髮誰能數
夢入孤雲未忍看歸省
有期還可赴擬從門下乞漁竿

題畫史冊子次愷功韻

誰解孫郎咲画蛇淋漓劇筆任欹斜
徐熙豈是珍鉛粉只

寫風枝三兩花

米襄陽云徐熙風
牡丹花只三朵

綺羅一種孰傳神
遮莫研朱點絳唇
冷冷脩竹下
輕寒徙倚更何人

小畫偏工亦足稱
當時李逸驪
多能比量文體箋
爾雅好讀毛詩試
函蠅小函見名函記

詩畫源流各有真
小王文榮記前身
箇中雅鄭誰能別
應得詩人與細陳
謝赫評雅鄭兼善

別吳商志

江東處士舊名流
廿載棲遲困旅游
懷古有詩曾入洛
還家無計且依劉
臨風遠寄西州泪
時徐侯齋先生初逝
極目平添北

渚愁惆悵橫門一
相別幾時林谷問
菟裘

荅同年楊崇木

聞道西勾外清冷近澗阿君携春酒去幾處杏花多高柳
陰長薄輕雲冒淺莎但堪留一醉不擬問誰何

寄同年永年立人時與西溟實君夏仲文饒崇木約
游郊外

入月連陰晦餘寒在綺羅春光未可攬如此美人何夜雨
朝來霽清風柳上多出郊期好客跋馬望君過

夏仲以詩促游次韻荅之

討勝欣然願執鞭春郊小飲續當年看花豈得還謀活倒
盡床頭篋底錢

同諸君興勝寺看杏花

浙瀝天街過微雨軟風吹春入花裏小紅梳洗窳風流初
日亭亭捲簾起可憐玉骨天然香徒倚空山欲斷腸左掖
梨花等顏色含風婀娜臨宮牆

誰剪明霞散山曲千枝萬枝紅蔽蔽五家合隊羸人行杜
老瞽騰看不足聊憑杯酒添春酣烏帽欹斜尚可簪客路
心情似春雨晚來和我夢江南

再賦一首示嵩木及同游諸子

西勺之西花為國暈碧裁紅鬪顏色杏花今歲開獨遲不
共棠梨作寒食嫣然一咲破寺中恰似詩人在遷謫嬉春
寶馬空當當盡是看紅不看白

看紅看白
遺山語

楊郎愛惜攜酒

過花欄曰底相婆娑清香泥人著茵席酒鱗寫影搖紅波

花如有情解留客到手莫負金叵羅春風去矣綠陰合明
日花老君如何

再賦得興慶寺杏花

活色生香合是仙園官移植自何年斜陽影裡招提路獨
與梨雲伴夜禪

轉眼天桃欲滿林如絲小雨又侵尋臨風未忍隨風隨為
惜春工點染心

曲江勝事記當年詩壁籠紗好共傳今日兔葵春色裏不
堪重問探花筵

金魚貰酒醉佳賓紅袖朝衫共討春前輩風流雲散後白
頭騎馬更何人

金魚館名虞道園故事

題項霜田讀書秋樹圖

斯人何偃蹇高詠秋槐陰落葉已盈策餘音猶在林踈籬
回返照蘿逕下幽禽此境真清絕披圖試一尋

落日青門外冥濛席帽塵寂憐騎馬地猶有讀書人秋卷
吟何苦春風句又新遙知行坐處帶草已堪紉

調查夏仲

諸同人約看慈仁寺海棠以夏仲赴尚書
約展期待之

人柳吹絲撲苑牆無多花在贊公房忍因半日尚書酒坐
失佳期負海棠

贈畫史

尚有承明白首郎無因奏賦侍
君玉羨君小筆圖團月

便染驪珠却墨香

元人詩拾得炎州一團月

橫墨誰堪上御屏，儒童猶有舊儀型。從今蟬雀標新樣，不數唐家太液亭。碩景秀有蟬雀扇

題計生畫像

生綃小影誰寫真，丑上乃有肥仙人。

樂府古語世間無肥仙人富道士

過

鼻豐頤頷垂下便，便腰腹燕長身。此非搢笏作朝士，亦合

駕馬乘朱輪，胡為但著道士服。

道士服見韓詩

杖策曳屨無冠巾。

一丘一壑與位置，山癯何許能精神。計生一咲前致語，函

史貌我非無，因少小讀書不得意。白頭趨走隨風塵，一生

渣倒錯料事，拍手笑煞東西鄰。從來入賞得充賦，閭里左

右無齊民賣漿洒，削好身手持幢載。檠闐城闈鄙人一官

亦聊爾，敢與此輩均車茵。逝從今日攬初服，守此素尚還

吾溥語云凡物希者貴山衣野帶今清新咄哉計子豈隱
淪與世異趨何斷斷眼明喜見好結束如花的燦開荆榛
題王舍人野航居

漁父去已遠成連何處尋聊憑一區宅寄此五湖心聞道
趨朝暇時為孤棹吟褰裳吾欲往杳渺隔雲林

初夏寄園雅集

今唐實君姜西崖查夏仲趙文饒楊
鼎木是日立人為酒主

伏處甚懽緒閒園赴招尋入門得嘉樹便已清我心初日
半簾閣人般在花陰誰為洛生詠摇曳如孤琴

塵飛不到處樹底開房櫳清影落綈几花光與蒙籠坐想
夜來月遠聞雲際鐘何時挾書策一賞踈簾風

平臺綠蘿石昨與情人期今日一尊酒又當春歸時蹉跎

良會晚徙倚芳樹枝尚有娟娟花可以貽所思
雅尚寄丘樊素心自為侶披襟憺相對坐盡風日羨歎息
五載餘年華委流水東菑理時稼長揖吾歸矣

題羨人圖

洞房昨夜風驚夢來坐蒼苔問落花惆悵一天春色晚遠
遊夫壻可還家

曾來石上共嬉春往事關心記最真為怕空房不歸去滿
園風絮更愁人

寄目存上人

香社人寰外誅茅近翠微松花供母飯荷葉補僧衣鳥靜
聞琴下雲間度磬飛更聞詩句好曾否似元暉

寄南求上人

支硎別來久試與問高開一徑幾竿竹滿簾何處山孤筇
堪獨徃倦羽正思還歸夢應乘月松風莫閉關

寄湯西崖前輩

先生何清迥謝客已經時窈眇詩逾好風沃病不辭

唐人詩中

酒病風流

躡方尋本草行藥數花枝神儻還如昨無勞問鬢絲

何處得良晤孤舟淮水濱阻風同被夜對月苦吟人一別
各千里重逢又十春篋中餘好句展讀尚如新
晚進仍遭黜相看猶弟兄交深無禮數地絕見平生預想
來秋別先愁去國程淒涼折腰處懷抱與誰傾

得西崖答詩再寄一首

屬疾詢居士，俾來得報書。詞妍迴白樸，體古入黃初。佳興消息之，右軍書且以憂心快掃除。行將與朋好，攜酒叩齋居。

過張天門庶常快飲

朱門不畱賓，一飯幾斟酌。吾與公子游，每過得大嚼。今晨風日佳，洒掃坐東閣。邂逅得良朋，不待折柬約。京口酒可飲，魚膾又堪作。加籩煠璀璨，那辨濡與灼。禮記既出七金灼曰炙

盃空澆腸漏，卮酒沈冥忘。既晏起舞燈，花落臨行屢。被肘不惜揮玉爵，歸來耿不眠。月黑沈夜柝，自慙靈輒宦。世棄黷蔑惡，經年困旅途。醉飽那得數謀生，且用短取適一餉。樂明日主為誰晴，簷噪乾鵲。

賦瓶中花枝有感

每為花枝憶靚粧
銅瓶收取斷魂香
三更燈底夢回後
踈影橫陳滿一牀

荅楊崇木索近詩

花事雖闌尚有情
簷前反舌已無聲
綠陰青子濃如許
坐聽瀾翻布穀鳴

翁戶部康貽招同西溟寶君文饒子文夏仲霜田文子亮工飲芍藥花下

仙郎官舍斜街偏
童童老樹團清圓
朝來下直足幽興
名花新買千嬋娟
踈簾清簟白日永
樹影下與花光連
百匝吟省意未愜
壺觴又欲招群賢
石榴鬆漿翠磁滑
綠幘行

炙銀絲鮮屨紛紛盡來集依花為座鋪長筵蘭燭啼紅
留晚醉晴霞暈玉扶朝眠鬢雲堆裡幾株雪淡粧素袂尤
嫣然上林羣卉各有譜惟此名字風人傳白玉堂前兩初
過沉香亭北春可憐彤墀露染侍臣佩紫薇白破桃花箋
樂天老去李白放誰向檀口論當年豐臺萬本入街市擔
頭稠束包紅顏漢書包紅顏而非明小牕悲凡與位置如洗塵土施
朱鉛彼此相望孰好醜榮枯反覆初無端看花且盡一日
樂裸袒對爾拈觥船

甲園襍詠為同館狀立人賦

柴關

山光落秋巷空翠滿一園永日無來人白雲閉花闕深松

影亭亭但見飛鳥還

秋影草堂

露洗高梧陰翠篠相媚嫵卷幔一裘偈蒼然入遮戶清暉
堪娛人欲攬已無處

溽滌漾波光斜日亂葭菼蟋蟀鳴西堂涼風生空簟蕭然
擁琴書人與秋俱淡

逸舫

悄悄茅齋中一片滄洲趣堦前釣絲風門外新荷雨隔水
過娉婷西鄰浣紗女

溶湖

淪漪清塵襟一葦六云廣板屋葳蕤蒲蓑裳似可往借問

主人誰自言五湖長

送別魏座主子相先生

廿載蓬山住名高甲地宮儒門桓少傅經術鄭寬中昨夜
夢東國歸舟乘晚風蘭陵圖畫後千古有誰同

想見還家曰秋風又欲生遠山看月上良夜抱琴行雅尚
沈冥逸孤懷玉雪清閑居諳物變捉鼻咲公卿

飲查升山前輩寓作兼示夏仲

自罷蘭亭讌

謂張園一集

迢遙遂至今儵然一尊酒中有十年

心宦值平時拙交從老去深栖遲託朋好感動獨沈吟

每見王武子還憐內史癡錦囊看奏賦席帽自吟詩後會
亮難覩晤言欣在茲當杯莫相放弦月上簾時

為管子題冰雪圖

天地為爐造化工陰陽為炭萬物銅賦形承氣盡炎火一
死灰骨隨融風所以至人號貞白皎然受質冰雪中擺落
滓穢乘虛空道人合居水晶宮知白守黑究始終胚胎珠
域歸洪濛立人憤憤如盲聵試持此圖證參同

有寄

一字闌干的的花水晶簾影小牕紗從今識得和平路曲
折城隅第二家

往事濛濛飛絮柳離情裊裊罨絲荷碧雲千里美人遠如
此瓊瑤繡段何

迤邐佳期又入秋涼蟬風外夕陽樓銀河清淺無多遠兩

擬何人送莫愁

荅薛孝穆書

海天傳尺一萬里望孤雲之子惠思我清暉如對君湖山
添素葉朋好託斯文遙想

題襟共夜分

送查夏仲

重戴還來住帝京一鞭送爾復南行大夫何易留孫寶主
簿寧堪累願榮滑道秋泥驢背客連潮圩岸柳頭程奚囊
賦得關心句好倩西風寄友生

題姜西溟洞遶秋望圖

萬頃淪漪上行行何所之為看青嶂出因與白鷗期曉露

零楓葉清江怨竹枝試將蕭颯意入浦問漁師

一鴈橫沙渚秋風滿洞遙微波晴嫋嫋斜日畫冥冥天影
沉來淡山容洗後青泠然方入夜漁笛起前汀

欲訪鷓鴣子還尋菖蒲翁斯人渺何所極浦遠空濛出沒
看孤棹參差數去鴻微吟向天末吹斷野蓮風

畫史亦解事寫君滄洲情攬茲三尺素如在具區行我思
屬雲水言從采杜蘅因之撫身立落葉一官輕

為李文受子題畫

道長風塵四十年客中相見各華顛回思古巷青襟侶胡
粉搔頭寂可憐

生涯惘惘盡如此客子行行猶未已安得瘦兀茅三間招

隱斯人泉石裏

懷滄洲舍人

久客憐朋好風流有舍人
高懷逐雲遠詩態與花新
許曰披襟阻初秋卧疾頻
相望沙河漢離思幾時申

為筆士陸孔庭題畫

曾給仙郎賦兩京廿年名字在公卿
自從庶長添新籍更有何人問管城

生馬如龍出素紈蛇弓鶴轡著金鞍
少年風格依然在猶喜頭銜未是官

飲少司寇田公宅

又入明公座追懽宛昔時
拍浮燕市酒跌宕楚雲詩
好夢

過殘雨清愁劇亂絲官途憔悴客空受十年知

題飛龍岩圖

靈湫老蛟蟄千年風雨一夜蓬壺翻凌空拔地立萬仞直
欲駭倒三神山羣鬼蒼黃帝子泣潛遣愚公置深壁升天
無力性未馴至今崛疆蒼山根

贈學士水部先生

聖世無鉤黨東山起謝公人倫宗有道朝寄倚和衷雨過
雲初霽天清日再中三台占氣色魁下正熊熊

西省宸章在

徐總事

南宮故事存

鄭事

重來清闕地前席與

深論芳夜雙花燭涼秋細菊樽集賢真學士陪賞獨承

息

竟歲謝人事門閤無引鈴桂香初午夜月滿第三廳秋色
同蕭爽孤情入窻冥衽應休沐暇陳篋校遺經

籍甚高常侍名聞三十春宮中才子曲天上玉堂人文采
餘濡翰風流想墊巾好憑闕庫直奉詔與傳神

謫宦遊將去江東問故園為尋知己傳來詣信陵門久客
惟長缺平生在一言只愁初鍛羽無力更飛翻

張漢瞻馮文子見過小飲文子有詩次韻答之

窳巷秋風裡故人誰見存張憑吾舊好馮立止諸昆幽賞
宜清夜驩言共酒樽知君素心在未忍薄衡門

蕭晨物易感秋士思偏長寫作懷人句吟看令我傷風蟬
報斷續雲燕影蒼涼同是天涯客緘情極不忘

六月即事示同年生許念中近錄

愁霖半月連昏曉水及城根樹枝杪轟然昨夜殺翻盆土
銜泥墻一時倒蒼黃驚起訝無路突兀床頭見隣媪濺階
沒礎波濤生老屋當風時塌塌上防摧折下愁溺性命區
區未可保荒江浪打無在船寒樹風搖失巢鳥幸憑尺木
絕前街跣足褰衣抵朋好故人無恙喜我來東緼當炊留
一飽因思昨夜平陽人地翻山骸俱為塵橫尸草間無人
哭白日官舍逢青燐上天降罔乃如此淫雨何足言災屯
與君相見更相咲還是天涯一幸民

同館姚起陶饋米

淵明不折腰乃作乞食詩叩門未有言先已為人嗤我常

值屢空不炊不言饑以此經年來遂與親故辭妣子今古
人對食乃吾思傾囊贈脫粟狼籍甕與瓷孰是久不耕獲
者乃如斯古來多賢達一飽恒無時視此豈不愧輟著為
嗟咨

畫史黃生索詩書此以答

屏風一種推二黃要叔居家各擅場父子相傳得家法何
須粉本師刁郎尚湖之子成都裔傳采樵形有深莽刻藤
一角破墨山人購千緡不辭費吾聞善畫須讀書士體師
工五殊異表章六籍在丹青蟬崔區區乃微藝即今世際
升平年廟堂尚欲求民艱須君小筆通靈手一繪幽風七

月篇

李梅厓前輩往游西山遙寄一首

時拈余同游不果往

秋山翠如滴百里蟠虛空
夫子挈杖去獨尋雲外峰
杏子入窈窕玉華望玲瓏
盤渦浥浥音括水出寺
星星鐘涼月破微靄
裴徊行稊鼓揮絃送良夜
得句訓清風茲游洵佳絕
惆悵未能同

雨中同尤玉田拈索居慕儔侶韻得索慕侶三字兼

送玉田南歸

江星不退舍其雨尚如昨
浙瀝生秋寒西風在簾幕
黃花開無期遶樹已蕭索
倚檻雲滿天孤鴻一報落

五行詎無占憂時非吾務
柴門閉雨聲一擬閔居賦
即事生遠愁量力想恒度
蕭蕭鷄鳴菀庶幾拙所慕

之子來何時又欲別離此人生半天涯對床幾風雨簾笠
江南舟濛濛過東渚此中多逸人二遠吾舊侶因君寄相
思為我采蘭芷解巾行歸來相從釣秋水

送別計傳一歸吳江

潞河三尺水千折到垂虹鴈影荷塘雨蓴絲澤國風遠游
憐客子歸路信孤蓬借問東臯上黃花賸幾鼓
江東名士錄爾是隱居孫舊齒今安在家風尚有存湛思
應鍵戶挾冊豈窺園龜勉此歸去前修與寤言

食蟹聯句 同許念中尤玉田

食單羅介族俊味首河蟹 研稻 稻熟待西風翰芒向東海
尤跋浪噴銀濤爬沙橫鐵鎧 許 擎螯力何壯敵虎氣不餒

研谿

潮落沙際出漁師夜深待尤烟江一燈明莎屋半椽

矮橫行初翻蓼失足已隨筇上市九月初論斤百錢買

谿研

已分入筇箸不辭佐鼎鼎許蒸當苴萑蒲

禮記編苴苴之

味不費

庖宰布席撤肉林堆盃作酒壘研谿爪甲撐之而丹黃出

臙脍許先羞欲舉肥後食豈遺脂膩手因脂凝拆肉得理

解研谿朶頤人盡然量腹君何乃尤胥齋慣未曾故疾觸

堪悔搗辛調氣味索酒澆礪磊研谿右手杯已空中連月

仍在尤且將詩為娛暫使愁得擺事從爾雅微句脩風人

采遠心江湖生旅食歲時改研谿擬把對黃花尤籬邊發

蓓蕾研谿

送別湯莘士

湯生吾邦秀制義何清真叩我京國居晨來坐連昏蓋
不盈腹意氣常騫騰自此拾青紫如捕眾中鱗亦何抱深
痛徒跣還南奔脫驂禮有之愧我方居貧臨風送爾別落
日位橫門

送項霜田

公子有偉幹高步長安中瞋目論古今氣若無三公昨日
入吾座煩襟當清風今朝抗手別長揖歸江東寒渚下黃
葉秋山過新鴻淒其一寸心去住將無同

寄孫赤崖

歸心渺天際秋水百花洲遙想蘇門子長歌柳市頭姓名
今隱逸才地舊風流落葉紅檣外何人共釣舟

白首香山老嶽寄自絕倫西郊延酒士北郭領詩人緝佩
芙蓉好懷芳竹栢真古詩峭蒨青葱門竹栢得其真臨風一為壽歸卜孟
家鄰

昌平道中附

青草伽藍路冥冥天壽山搖鞭誰氏子射兔長陵還

謫居集

小門生王薛岐謹錄